



# Deddf Seilwaith (Cymru) 2024

2024 dsc 3

## RHAN 3

### GWNEUD CAIS AM GYDSYNIAD SEILWAITH

*Y weithdrefn gwneud cais*

#### 37 Adroddiadau effaith ar y môr

- (1) Os yw'r gorchymyn drafft a gyflwynir gyda chais am gydsyniad seilwaith yn cynnwys darpariaeth ar gyfer trwydded forol dybiedig rhaid i Gyfoeth Naturiol Cymru ymateb i hysbysiad a roddir o dan adran 34(2)(b) drwy gyflwyno adroddiad effaith ar y môr mewn cysylltiad â'r cais i Weinidogion Cymru cyn y dyddiad cau a bennir yn yr hysbysiad.
- (2) Caiff Gweinidogion Cymru gyfarwyddo Cyfoeth Naturiol Cymru i gyflwyno adroddiad effaith ar y môr mewn cysylltiad â chais am gydsyniad seilwaith a rhaid i Gyfoeth Naturiol Cymru gyflwyno'r adroddiad erbyn y dyddiad cau a bennir yn y cyfarwyddyd.
- (3) Caiff Cyfoeth Naturiol Cymru gyflwyno adroddiad effaith ar y môr mewn cysylltiad â chais am gydsyniad seilwaith ac eithrio mewn ymateb i hysbysiad a roddir o dan adran 34(2)(b) neu gyfarwyddyd a roddir o dan is-adran (2) cyn y dyddiad cau a bennir mewn cyhoeddusrwydd o dan adran 34(3).
- (4) Yn y Ddeddf hon, ystyr adroddiad effaith ar y môr mewn cysylltiad â chais yw adroddiad ysgrifenedig—
  - (a) sy'n rhoi manylion am effaith debygol y datblygiad arfaethedig ar yr amgylchedd morol, a
  - (b) sy'n cydymffurfio â gofynion a bennir mewn rheoliadau ynghylch ffurf a chynnwys adroddiad effaith ar y môr.
- (5) Yn yr adran hon, mae "yr amgylchedd morol" yn cynnwys—
  - (a) harddwch naturiol neu amwynder ardaloedd morol neu arfordirol (gan gynnwys eu nodweddion daearegol neu ffisiograffigol);

---

*Statws* This is the original version (as it was originally enacted). Dim ond ar  
ei ffurf wreiddiol y mae'r eitem hon o ddeddfwriaeth ar gael ar hyn o bryd.

---

- (b) fflora a ffawna sy'n ddibynnol ar amgylchedd morol neu arfordirol, neu sy'n gysylltiedig ag amgylchedd o'r fath.